



Synfocity = 700

mail us at : mzsynfo@gmail.com; mizoramsynod@gmail.com - Phone - 2314648

August 30, 2018

□ Ramthar Ni

Aug. 31, 2018 (Zirtawpni) hi Ramthar Ni a ni a, Mizorama Presbyterian Kohhran rawn dintu Rev. David Evan Jones (Zosaphluia) Mizorama rawngbawl tura a lo thlen ni a nih vangin Mizoram Presbyterian Kohhran tan Ni pawimawh bik a ni. Kum 1972 Mizoram Synod Inkhawmpui chuan, Synod Ramthar Board-in, 'Aug. 31, Pu Zosaphluia Mizorama a lo thlen ni hi Synod Ramthar Ni atan hman ni se', tia a rawtna chu pawmin kum 1973 atang khan Aug. 31 chu Ramthar Ni atan hman tan a lo ni ta a ni.

Mizorama Chanchin tha rawn thlentu hmasa ber (Pioneer Missionary) Rev. William Williams chuan Khasi rama a thawh laiin Syhlet lama Mizo lung in tangte hnen atanga Mizote chanchin a lo hriatin Mizorama kal duhna a nei ta a. Kum 1891 March 20 khan Aizawlah a lo kal a, Mistiri leh kut hnathawka inhlawhfate hnenah Pathian thu hrilin tract te a sem a. Mizoram chanchin hi Welsh ramah a zu sawi a, Welsh Presbyterian Mission chuan kum 1892-ah Mizoram chu Missionary tirh luhna atan a thlang ta a. Rev. William Williams hi tirh an tum a, mahse vanduaithlak takin a thi ta mai si a. Mi thar an dap leh a; Theological College-a an zirtir chhungin hun a lo vei hman a. Hetih lai hian Arthington-a mi tirh Rev. F.W. Savidge (Sap Upa) leh Rev. J.H. Lorraine (Pu Buanga) te kha an lo chhuak a, kum 1894, January 11-ah Mizoram an lo thlang a; Welsh Presbyterian Mission tirhin Rev. D.E. Jones (Zosaphluia) hi kum 1897, Aug. 31-ah a lo thlang ve leh ta a ni.

Mizoram Presbyterian Kohhran chuan kumin (2018) Ramthar Ni pual hian tum khat inkhawm atan programme a siam a, thupui inang tlang 'Pathian thu chu a darh a, a pung ta telh telh a' tih zirho a ni.

Ramthar Ni pual hian Synod Mission Board-a thawktute Ramthar Campaing neiin hetiang hian an kal ang.

1. Vanbawng Kohhran - Pu C. Kapthanga leh Rev. P.B Zosaphthara
2. Aizawl Kohhran - T. Upa Lalbiakenga Fanai, Asst. Coordinator leh Pi Malsawmtluangi, O/A
3. Thuampui Kohhran - Pu Lallawmnakima Hmar, Circulation Manager, Ramthar Chanchinbu
4. Chite Kohhran - Pu K. Laldawngliana
5. Maubuang Kohhran - Rev. T.C Laltlanzova
6. Bukpui Bethel KH - Pu K. Zothlamuana, O/A leh Pu Lalbiaknunga
7. Kolasib Kohhran - Pu K. Ronghaka leh Pu Lalvenkima Ralte, Synod Office te an ni.

□ Beihruul Thla

Kohhran hoten kumin 2018 Beihruul thla kan lo thlang leh dawn ta a, Beihruul programme hi Sept. 1 atangin hman tan a ni ang a. Sept. 3 - 9 chhung hian 'Ramthar Hapta' hman a ni ang a, Sept. 24 - 29 chhung hian 'Kristian Chhungkaw Hapta' hman a ni ang a. Sept. 30-ah 'Nu leh Pa Ni leh Kristian Chhungkaw Ni' hman a ni baw ang. Beihruul hi kum 1918 June thla atanga hman tan a ni a, kum 1925 atangin September thlaah neih thin a ni ta a, kum 1947 atangin Nilai Zan Thupui Bu leh Beihruul Thupui hi bu khata siam tan a ni.

Kumin hi Beihruul Kum 100 na a ni a, kum 2016 Synod thurel General 9-ah "Beihruul kum 100-na hriatrengha hlawk zawka hman dan tur siam" rel a ni a. Chu chu SEC leh OM-in bawhzuiin hetiang hian Beihruul Centenary hman dan tur ruahmanna a siam a ni.

1. Beihruul tan zana Beihruul Centenary puala lawm thu sawi tawngtaina hun hman ni se. Hemi zana chhiar chhuah turin Beihruul chanchin ziah ni se.
2. Chhungkaw tin tlawh chhuak zawnga hma lak ni se. Ni tin chhung inkhawm nei tur leh sawma pakhat pe tura tan lak te, Pathian biak inkhawm ngai pawimawh tura tan lak te, min nektu boruak hrang hrang - politics chungchang te, kohhran ngaih pawimawh leh a dangte inzirtir theih ni se.
3. A ti thei chuan Bial leh Kohhanah Street Preaching neih ni se.
4. Kristian Chhungkaw Ni chawhnu inkhawm hi kohhran member inkhawm kim hram tura tan lak ni se.
5. Beihruul Centenary lawmna ruai emaw thingpui ruai mahni kohhran theuhah a thei chuan mahni remchan hunah kohhran tinin buatsaih ni se.
6. Synod-in Beihruul Centenary hriat rengha siam se, kohhran tinin, a thei chuan mahni kohhranah thiam angin Beihruul Centenary hriat rengha siam ni baw se.
7. Beihruul thupui 2018 awm sa hi hlawkpui ngei tura hman theuh ni se

□ Finance Deptt.

Sept. 1 & 2, 2018 hian Champhai Zote Bialah Finance Training leh Campaign neih a ni dawn a, Upa P.C Vanlalrova, Synod Office, Rev. K. Rolungmuana, Director, Synod Revival, Rev. K. Lalmuchhuaka, Campaigner leh Pu Lalremruata, Synod Revival Speaker te an kal ang a, Pathiannah hian Bial chhung kohhran hrang hrangah hun an hmang nghal ang.

□ SL&PB

Sept. 1 & 2, 2018 hian Khawhai North Bialah Literature Seminar neih a ni dawn a, Rev. P.C Pachhunga, Executive Secretary leh Upa H. Ronghaka, Additional Editor, SL&PB te an kal ang a, Pathiannah Bial chhung kohhran hrang hrangah hun an hmang nghal ang.

Contd...

- Mission Board**
 Aug. 30 - Sept. 4, 2018 chung hian Guwahati-ah India Mission Association (IMA) meeting hmangin Dr. Robert S. Halliday, Coordinator, Mission Board a kal.
- Worship Deptt.**
 Aug. 28-31, 2018 chung hian Synod Conference Centre-ah Synod Worship Committee chuan a duh apiang tan Residential Choir Conductors' Training vawi 23-na a buatsaih a, mi 33 an tel thei a ni. Training chung hian chhun leh zanah class neih thin a ni a, Synod Music School instructor 5 ten subject hrang hrang - Technical, Conducting, Vocal, Chord, Harmonization leh Khuangvuak chungchang te training an pe a ni.
 Aug. 31, 2018 tlaiah training kharna inkhawm neih a ni ang a, Upa Zothanmawia, Worship BEC Member-in a kaihruai ang a, Upa H. Lalhmingmawia, Coordinator, Worship Dept-in report a pe ang a, Rev. B.Sangthanga, Executive Secretary-in certificate semin thuchah a sawi ang.
- Synod Social Front**
 Sept. 1&2, 2018 hian Hliappui Bial leh Kawrthah Bialah te HIV& AIDS & Drugs Awareness Campaign neih a ni dawn a, Campaigner te hetiang hian an kal ang.
 Hliappui Bial - Rev. Zoramsanga, Upa H. Ngurthansanga leh Pi Lalchhuanzuali.
 Kawrthah Bial - Pu Allan Lalmuanpuia leh Pu Robert Lalrempuia.
 Pathiannah Bial chung kohhran hrang hrangah hun an hmang nghal ang.
- FG&CC**
 Sept. 1&2, 2018 hian Ngopa Bialah Kristian Chhungkaw Seminar leh Campaign neih a ni dawn a, Rev. Lalsangbera, Director, FG&CC leh Campainer te - Upa H. Zoliana, Upa H. Lalhlimthanga, T.Upa Lalmuanawma leh Rev. R. Lalengzauva te an kal ang.
- Campus Ministry**
 Aug. 27, 2018 (Thawhtanni) khan Govt. Pianghleia High School-ah hun an hmang a, Aug. 28, 2018(Thawhlehni) khan Apollo School of Nursing-ah hun an hmang leh a ni.
- Prison Ministry**
 Sept. 2, 2018(Pathianni) hian Central Jail-ah hun an hmang ang.
- Synod Relief Fund**
 Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Sakawrdai	Vanduaina tawk	4	Rs. 20,000/-
2.	Khawruhlian	Damlo	2	Rs. 16,000/-
3.	Forest Veng, Tuipuibari	Damlo	1	Rs. 8,000/-
4.	Tuipui 'D'	Damlo	1	Rs. 8,000/-
5.	Sihhmui	Damlo	1	Rs. 8,000/-
			TOTAL	Rs. 60,000/-
- Office Chawlh**
 Naktuk (Aug. 31, 2018) hi Kohhran Ni pawimawh Ramthar Ni a nih avangin Synod Office khar a ni dawn a, kohhran hote kan inhriattir a ni.
- Zin**
 Aug. 30 - Sept. 1, 2018 chung hian Shillong-ah PCI Working Committee-in Rev. Lalramliana Pachuau, Senior Executive Secretary a kal.
- Hruaina Eng FM Radio**
 ♦ **AUGUST 31, 2018 (FM Zoawi Aizawl & FM Lunglei @ 7:30 p.m.):**
 Zaipawl : TBZ - Khawvel hrut chhuak ila, Thusawi : Upa D.P Biakkhuma - Chanchintha hril tihmakmawh, Solo : Amtea - Ropui ber, Group : KTP Zarkawt Female Voice - Fak hla lawrkhawm metley
- Hruaina Eng TV Programme**
Susamachar Prasaran Programme
 ♦ **SEPTEMBER 2, 2018 (Pathianni) 5:00 pm. :**
 Group/Choir/Solo : Chhinga Vengthlang - Yedi koy-i, Group/Choir/Solo : Zotlang Kohhran Masihi Sangati - Shukriya Tera, Sermon : Rev. David Lalramliana Ralte, Group/Choir/Solo : Govt Complex Kohhran - Syon Desh, Group/Choir/Solo : Venghnuai Kohhran - Milkar Hamm
 ♦ **SEPTEMBER 2, 2018 (Tv Programme) @ 4:00 - 6:00, 8:00 - 9:00 p.m) :**
 Sermon : Upa D.P Biakkhuma - Ramthar Ni Pual, Weekly Round Up, PBS 43rd Batch Farewell & Dedication Programme
- Moderator Programme**
 Sept. 2, 2018 Pathianni Zemabawk East Kohhran Zemabawk Bial